



Inatsisartunut
Att.: Jens Napátók
/maani

2024-mut Aningaasanut inatsisissatut siunnersuutip ulloq 26. september 2023
siullermeeranerani Kalaallit Nunaata Avannaani Tunumilu puunut akitsuutinik
akiliisoqartalissanersoq Jens Napátók-mit apeqqutigineqarpoq.

Brevdato: 16-10-2023
Sagsnr. 2023-3439

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanaq.gl
www.naalakkersuisut.gl

Kalaallit Nunaata Avannaanut Tunumullu (siusinnerusukkut kommunit Qaanaaq,
Ittoqqortoormiit aamma Tasiilaq) immiaaqqat imeruersaatillu kulsyrimik akulinnut
sunulluunniit puunut akitsuuteqartitsinnginnermik immikkut aaqqissuussineq ullumikkut
atuuppoq. Nioqqutissianik eqqussuineq annissuinerlu pillugit Inatsisartut inatsisaat
naapertorlugu immikkut akuersissuteqartoqarnikuuvoq.

Qaanaaq, Ittoqqortoormiit Tasiilarlu Nuuk Imeq A/S-ip puiaasaaqqanik utertitsisarnermik
aaqqissuussineranut maannamut ilaatinneqarnikuunngillat, taamaammat immiaaqqanik,
sodavandinik assigisaannillu sumiiffiit taakku nunanit allanit ilaatigut qillertusaniittunik
pilersorneqarnikuupput. Qaanaami, Ittoqqortoormiini Tasiilamilu pisiniarfiit akit nunap
sinnerani akit assipajaavinik qulakkeerinniffiginarlugit sumiiffiit taakku immiaaqqanut
imeruersaatinullu kulsyrimik akulinnik (sodavandinut) taamaallaat Qaanaami,
Ittoqqortoormiini Tasiilamilu tuniniaqqinneqarnissaat siunertaralugu eqqussorneqartunut
puunut maannamut akitsuuteqartitsisoqanngilaq.

Puut pillugit nalunaarutip nutaap, qularnaveeqqusikkanillu utertitsisarnermik
aaqqissuussineq nutaaq piviusunngortinneqavippata, nunami tamarmi akit
qaffasissusaasa assigiiarnissaasa qulakkeerneqarnissaanik suli
pisariaqartitsisoqarnissaa, Aningaasaqarnermut Akileraartarnermullu Naalakkersuisutut
eqqumaffigivara.

Inussiarnersumik inuulluaqqusillunga

Erik Jensen